

**ÁKVÖRÐUN EVRÓPUÞINGSINS OG RÁÐSINS
(ESB) 2018/853****2022/EES/38/09****frá 30. maí 2018**

um breytingu á reglugerð (ESB) nr. 1257/2013 og tilskipunum Evrópuþingsins og ráðsins 94/63/EB og 2009/31/EB og tilskipunum ráðsins 86/278/EBE og 87/217/EBE að því er varðar reglur um málsmeðferð á sviði skýrslugjafar um umhverfismál og um niðurfellingu á tilskipun ráðsins 91/692/EBE (*)

EVROÞUPINGIÐ OG RÁÐ EVRÓPUSAMBANDSINS HAFAR,

með hliðsjón af sáttmálanum um starfshætti Evrópusambandsins, einkum 1. mgr. 192. gr.,

með hliðsjón af tillögu framkvæmdastjórnar Evrópusambandsins,

eftir að hafa lagt drög að lagagerð fyrir þjóðþingin,

með hliðsjón af álitum efnahags- og félagsmálanefndar Evrópusambandsins (1),

að höfðu samráði við svæðanefndina,

í samræmi við almenna lagasetningarmeðferð (2),

og að teknu tilliti til eftirfarandi:

- 1) Tilskipanir ráðsins 86/278/EBE (3) og 87/217/EBE (4) byggjast á 100. og 235. gr. stofnsáttmála Efnahagsbandalags Evrópu, nú 115. og 352. gr. sáttmálans um starfshætti Evrópusambandsins (SUSE). Breytingar á þessum tilskipunum í þessari ákvörðun tengjast umhverfisstefnu Sambandsins og eru bein afleiðing niðurfellingar á tilskipun ráðsins 91/692/EBE (5) á grundvelli 1. mgr. 192. gr. SUSE. Því þykir rétt að grundvalla breytingarnar á 1. mgr. 192. gr. SUSE.
- 2) Tilskipun Evrópuþingsins og ráðsins 94/63/EB (6) byggir á 100. gr. a í stofnsáttmála Evrópubandalagsins, nú 114. gr. SUSE. Breytingar á þeirri tilskipun í þessari ákvörðun tengjast umhverfisstefnu Sambandsins og eru bein afleiðing niðurfellingar á tilskipun 91/692/EBE á grundvelli 1. mgr. 192. gr. SUSE. Því þykir rétt að grundvalla breytingarnar á 1. mgr. 192. gr. SUSE.
- 3) Tilskipun 91/692/EBE var samþykkt til að hagræða og bæta, innan geira, ákvæðin um sendingu upplýsinga og birtingu skýrslna varðandi tilteknar tilskipanir um umhverfisvernd. Til að ná því markmiði var nokkrum tilskipunum breytt með tilskipun 91/692/EBE með því að innleiða samræmdar kröfur um skýrslugjöf.

(*) Þessi ESB-gerð birtist í Stjtið. ESB L 150, 14.6.2018, bls. 155. Hennar var getið í ákvörðun sameiginlegu EES-nefndarinnar nr. 40/2020 frá 20. mars 2020 um breytingu á II. viðauka (Tæknilegar reglugerðir, staðlar, prófanir og vottun) og XX. viðauka (Umhverfismál) við EES-samninginn (bíður birtingar).

(1) Stjtið. ESB C 173, 31.5.2017, bls. 82.

(2) Afstaða Evrópuþingsins frá 18. apríl 2018 (hefur enn ekki verið birt í *Stjórnartíðindunum*) og ákvörðun ráðsins frá 14. maí 2018.

(3) Tilskipun ráðsins 86/278/EBE frá 12. júní 1986 um verndun umhverfisins, einkum jarðvegs, þegar seyra frá skólphreinsistöðvum er notuð í landbúnaði (Stjtið. EB L 181, 4.7.1986, bls. 6).

(4) Tilskipun ráðsins 87/217/EBE frá 19. mars 1987 um að koma í veg fyrir og draga úr asbestmengun í umhverfinu (Stjtið. EB L 85, 28.3.1987, bls. 40).

(5) Tilskipun ráðsins 91/692/EBE frá 23. desember 1991 um að staðla og einfalda skýrslur um framkvæmd vissra tilskipana um umhverfismál (Stjtið. EB L 377, 31.12.1991, bls. 48).

(6) Tilskipun Evrópuþingsins og ráðsins 94/63/EB frá 20. desember 1994 um varnir vegna losunar rokkgjarnra lífrænna efnasambanda (VOC) við geymslu á bensíni og dreifingu þess frá birgðastöðvum til bensínstöðva (Stjtið. EB L 365, 31.12.1994, bls. 24).

- 4) Framkvæmd krafanna um skýrslugjöf, sem innleiddar voru með tilskipun 91/692/EBE, hefur orðið íþyngjandi og óskilvirk. Auk þess hefur mörgum þeirra gerða Sambandsins sem var breytt með tilskipun 91/692/EBE verið skipt út og innihalda ekki lengur kröfurnar um skýrslugjöf eins og þær voru innleiddar með þeirri tilskipun. Með tilskipun Evrópuþingsins og ráðsins 2000/60/EB ⁽¹⁾ voru t.d. sjö gerðir Sambandsins á sviði stefnu í vatnsmálum felldar niður og var skýrslugjafarkerfið, sem innleitt var með tilskipun 91/692/EBE, ekki haft með í henni. Auk þess er í tilskipun Evrópuþingsins og ráðsins 2010/75/ESB ⁽²⁾ engin vísun í tilskipun 91/692/EBE og er þess í stað kveðið þar á um aðskilið kerfi fyrir skýrslugjöf.
- 5) Í tilskipun 91/692/EBE er ekki kveðið á um notkun rafræna tóla. Með góðum árangri af Reportnet-búnaði Umhverfisstofnunar Evrópu og geiratengdum framtaksverkefnum varðandi hagræðingu í skýrslugjöf, s.s. vatnssupplýsingakerfi fyrir Evrópu, hefur þörfin fyrir þverlægt verkfæri til skýrslugjafar og skilvirkni þess verið dregin í efa í auknum mæli. Með samþykkt tilskipunar Evrópuþingsins og ráðsins 2007/2/EB ⁽³⁾ og tengdri þróun sameiginlega upplýsingakerfisins vegna umhverfismála var að lokum innleidd nútímalegri og skilvirkari þverlæg nálgun varðandi upplýsingastjórnun og skýrslugjöf í tengslum við umhverfisstefnu Sambandsins.
- 6) Því ætti að fella tilskipun 91/692/EBE úr gildi.
- 7) Flestar þeirra tilskipana sem breytt var með tilskipun 91/692/EBE eru ekki lengur í gildi. Þó eru tilskipanir 84/278/EBE og 87/217/EBE enn í gildi.
- 8) Í tilskipun 86/278/EBE er gerð sú krafa að aðildarríkin leggi fram skýrslu um framkvæmd þeirrar tilskipunar á grundvelli spurningalista eða eyðublaðs sem framkvæmdastjórnin útbýr í samræmi við málsmeðferðina sem mælt er fyrir um í tilskipun 91/692/EBE. Til að forðast lagalegt tómarúm vegna niðurfellingarinnar á tilskipun 91/692/EBE er nauðsynlegt að skipta tilvísuninni í tilskipun 91/692/EBE út fyrir tilvísun í málsmeðferðina sem um getur í tilskipun 86/278/EBE.
- 9) Skýrslugjöf aðildarríkja samkvæmt tilskipun 87/17/EBE er ekki lengur nauðsynleg í kjölfar samþykktar á reglugerð Evrópuþingsins og ráðsins (EB) nr. 1907/2006 ⁽⁴⁾, þar sem kveðið er á um að hætta í áföngum framleiðslu og notkun hráasbests og vara sem innihalda asbest í Sambandinu. Því er rétt að fella brott kröfurnar um skýrslugjöf sem settar eru fram í þeirri tilskipun.
- 10) Eftir gildistöku tilskipunar 91/692/EBE innihalda eftirfarandi reglugerðir og tilskipanir vísun í þá tilskipun: Tilskipun Evrópuþingsins og ráðsins 94/62/EB ⁽⁵⁾, tilskipun 94/63/EB, tilskipun ráðsins 1999/31/EB ⁽⁶⁾, tilskipun Evrópuþingsins og ráðsins 2000/53/EB ⁽⁷⁾, tilskipun Evrópuþingsins og ráðsins 2003/87/EB ⁽⁸⁾, tilskipun Evrópuþingsins og ráðsins 2008/98/EB ⁽⁹⁾, tilskipun Evrópuþingsins og ráðsins 2009/31/EB ⁽¹⁰⁾ og reglugerð Evrópuþingsins og ráðsins (ESB) nr. 1257/2013 ⁽¹¹⁾.
- 11) Framkvæmdastjórnin lagði til, sem hluti af aðgerðaáætlun ESB fyrir hringrásarhagkerfi, að breyta tilskipunum 94/62/EB, 1999/31/EB, 2000/53/EB og 2088/98/EB til að skipta út tilvísuninni í tilskipun 91/692/EBE.

⁽¹⁾ Tilskipun Evrópuþingsins og ráðsins 2000/60/EB frá 23. október 2000 um aðgerðaramma Bandalagsins um stefnu í vatnsmálum (Stjútíð. EB L 327, 22.12.2000, bls. 1).

⁽²⁾ Tilskipun Evrópuþingsins og ráðsins 2010/75/ESB frá 24. nóvember 2010 um losun í iðnaði (samþættar mengunarvarnir og eftirlit með mengun) (Stjútíð. ESB L 334, 17.12.2010, bls. 17).

⁽³⁾ Tilskipun Evrópuþingsins og ráðsins 2007/2/EB frá 14. mars 2007 um að koma á grunngerð fyrir landupplýsingar í Evrópubandalaginu (INSPIRE) (Stjútíð. ESB L 108, 25.4.2007, bls. 1).

⁽⁴⁾ Reglugerð Evrópuþingsins og ráðsins (EB) nr. 1907/2006 frá 18. desember 2006 um skráningu, mat, leyfisveitingu og takmarkanir, að því er varðar efni (efnareglurnar (REACH)), um stofnun Efnastofnunar Evrópu, um breytingu á tilskipun 1999/45/EB og um niðurfellingu á reglugerð ráðsins (EBE) nr. 793/93 og reglugerð framkvæmdastjórnarinnar (EB) nr. 1488/94, sem og tilskipun ráðsins 76/769/EBE og tilskipunum framkvæmdastjórnarinnar 91/155/EBE, 93/67/EBE, 93/105/EB og 2000/21/EB (Stjútíð. ESB L 396, 30.12.2006, bls. 1).

⁽⁵⁾ Tilskipun Evrópuþingsins og ráðsins 94/62/EB frá 20. desember 1994 um umbúðir og umbúðaúrgang (Stjútíð. EB L 365, 31.12.1994, bls. 10).

⁽⁶⁾ Tilskipun ráðsins 1999/31/EB frá 26. apríl 1999 um urðun úrgangs (Stjútíð. EB L 182, 16.7.1999, bls. 1).

⁽⁷⁾ Tilskipun Evrópuþingsins og ráðsins 2000/53/EB frá 18. september 2000 um úr sér gengin ökutæki (Stjútíð. EB L 269, 21.10.2000, bls. 34).

⁽⁸⁾ Tilskipun Evrópuþingsins og ráðsins 2003/87/EB frá 13. október 2003 um að koma á fót kerfi fyrir viðskipti með heimildir til losunar gróðurhúsalofttegunda innan Bandalagsins og um breytingu á tilskipun ráðsins 96/61/EB (Stjútíð. ESB L 275, 25.10.2003, bls. 32).

⁽⁹⁾ Tilskipun Evrópuþingsins og ráðsins 2008/98/EB frá 19. nóvember 2008 um úrgang og um niðurfellingu tiltekinnar tilskipana (Stjútíð. ESB L 312, 22.11.2008, bls. 3).

⁽¹⁰⁾ Tilskipun Evrópuþingsins og ráðsins 2009/31/EB frá 23. apríl 2009 um geymslu koltvísýringis í jörðu og um breytingu á tilskipun ráðsins 85/337/EBE, tilskipunum Evrópuþingsins og ráðsins 2000/60/EB, 2001/80/EB, 2004/35/EB, 2006/12/EB, 2008/1/EB og reglugerð (EB) nr. 1013/2006 (Stjútíð. ESB L 140, 5.6.2009, bls. 114).

⁽¹¹⁾ Reglugerð Evrópuþingsins og ráðsins (ESB) nr. 1257/2013 frá 20. nóvember 2013 um endurvinnslu skipa og um breytingu á reglugerð (EB) nr. 1013/2006 og tilskipun 2009/16/EB (Stjútíð. ESB L 330, 10.12.2013, bls. 1).

- 12) Til að tryggja að tiltekin ákvæði í viðaukunum við tilskipun 86/278/EBE séu uppfærð skal fela framkvæmdastjórninni vald til að samþykkja gerðir í samræmi við 290. gr. sáttmálans um starfshætti Evrópusambandsins að því er varðar aðlögun þeirra ákvæða að framförum á sviði tækni og vísinda. Til að tryggja að viðaukarnir við tilskipun 2009/31/EB séu uppfærðir ætti einnig að fela framkvæmdastjórninni vald til að samþykkja gerðir í samræmi við 290. gr. sáttmálans um starfshætti Evrópusambandsins að því er varðar aðlögun þeirra viðauka að framförum á sviði tækni og vísinda. Aðlögun viðaukanna við tilskipun 2009/31/EB ætti ekki að leiða til þess að öryggisstigið lækki eða að meginreglurnar um vöktun, sem viðmiðanir í þeim viðaukunum veita, veikist. Einkar mikilvægt er að framkvæmdastjórnin hafi viðeigandi samráð meðan á undirbúningsvinnu hennar stendur, þ.m.t. við sérfræðinga, og að þetta samráð fari fram í samræmi við meginreglurnar sem mælt er fyrir um í samstarfssamningnum milli stofnana um betri lagasetningu frá 13. apríl 2016 ⁽¹⁾. Einkum, í því skyni að tryggja jafna þátttöku við undirbúning framseldra gerða, fá Evrópuþingið og ráðið öll skjöl á sama tíma og sérfræðingar aðildarríkjanna og hafa sérfræðingar þeirra kerfisbundinn aðgang að fundum sérfræðingahópa framkvæmdastjórnarinnar sem vinna að undirbúningi framseldra gerða.
- 13) Í annarri undirgrein 2. mgr. 21. gr. reglugerðar (ESB) nr. 1257/2013 er vísað í tilskipun 91/692/EBE sem á að fella úr gildi. Samkvæmt því ákvæði skal fyrsta skýrslugjöfin hefjast á þeim degi þegar reglugerð (ESB) nr. 1257/2013 kemur til framkvæmda. Hinn 19. desember 2016 kom framkvæmdastjórnin á fót, með framkvæmdarákvörðun (ESB) 2016/2323 ⁽²⁾, fyrstu útgáfu Evrópuskrárinnar yfir skipaendurvinnslustöðvar (hér á eftir nefnd Evrópuskráin). Í samræmi við 26. gr. reglugerðar (ESB) nr. 1257/2013 geta aðildarríki leyft endurvinnslu skipa í skipaendurvinnslustöðvum sem eru í Evrópuskránni fram að deginum þegar sú reglugerð kemur til framkvæmda. Í slíkum tilvikum gildir reglugerð Evrópuþingsins og ráðsins (EB) nr. 1013/2006 ⁽³⁾ ekki. Til að forðast tímabil þar sem upplýsingum er ekki safnað saman samkvæmt reglugerð (EB) nr. 2013/2006 eða reglugerð (ESB) nr. 1257/2013 þykir rétt að innleiða umbreytingartímabil til skýrslugjafar frá þeim degi þegar búist er við fyrsta leyfinu skv. 26. gr. reglugerðar (ESB) nr. 1257/2013 í tilteknu aðildarríki til dagsins þegar sú reglugerð kemur til framkvæmda fyrir hvert aðildarríki sem ákveður að nota umbreytingartímabilið sem kveðið er á um í þeirri grein. Til að takmarka stjórnsýsluálag sem tengist þessu fyrir hvert slíkt aðildarríki er ekki nauðsynlegt að upplýsingarnar sem safnað er á því umbreytingartímabili séu grundvöllur fyrir sérstaka skýrslu. Þess í stað ætti að nægja að slíkar upplýsingar séu hafðar með eða séu hluti af fyrstu reglubundinni skýrslu sem fjallar um þriggja ára tímabil frá þeim degi þegar reglugerð (ESB) nr. 1257/2013 kemur til framkvæmda.
- 14) Krafan um skýrslugjöf sem sett er fram í tilskipun 94/63/EB er ekki lengur nauðsynleg að því er varðar vöktun með framkvæmd þeirrar tilskipunar. Því ætti að fella viðkomandi ákvæði brott.
- 15) Þar eð aðildarríkin geta ekki fyllilega náð markmiðinu með þessari tilskipun, þ.e. að breyta réttargerðum Sambandsins eða fella þær úr gildi á sviði skýrslugjafar um umhverfismál sem eru ekki lengur í gildi eða viðeigandi, og því verður betur náð á vettvangi Sambandsins, eðlis þess vegna, er Sambandinu heimilt að samþykkja ráðstafanir í samræmi við nálægðarregluna eins og kveðið er á um í 5. gr. sáttmálans um Evrópusambandið. Í samræmi við meðalhófsregluna, eins og kveðið er á um í þeirri grein, er ekki gengið lengra en nauðsyn krefur í þessari ákvörðun til að ná þessu markmiði.
- 16) Því ætti að breyta reglugerð (ESB) nr. 1257/2013 og tilskipunum 94/63/EB, 2009/31/EB, 86/278/EBE og 87/217/EBE til samræmis við það.

SAMÞYKKT ÁKVÖRDUN ÞESSA:

I. gr.

Breytingar á tilskipun 2009/31/EB

Tilskipun 2009/31/EB er breytt sem hér segir:

- 1) Í stað 1. mgr. 27. gr. kemur eftirfarandi:

„1. Þriðja hvert ár skulu aðildarríkin leggja skýrslu fyrir framkvæmdastjórnina um framkvæmd þessarar tilskipunar, þ.m.t. skráin sem um getur í b-lið 1. mgr. 25. gr. Fyrsta skýrslan skal send framkvæmdastjórninni eigi síðar en 30. júní 2011. Skýrslan skal samin á grundvelli spurningalista eða eyðublaðs sem framkvæmdastjórnin samþykkir í formi framkvæmdargerða. Þessar framkvæmdargerðir skulu samþykktar í samræmi við rannsóknarmálsmeðferðina sem um getur í 2. mgr. 30. gr. Senda skal aðildarríkjunum spurningalistann eða eyðublaðið a.m.k. sex mánuðum áður en fresturinn til að leggja fram skýrsluna rennur út.“

⁽¹⁾ Stjútö. ESB L 123, 12.5.2016, bls. 1.

⁽²⁾ Framkvæmdarákvörðun framkvæmdastjórnarinnar (ESB) 2016/2323 frá 19. desember 2016 um að koma á fót Evrópuskrá yfir skipaendurvinnslustöðvar samkvæmt reglugerð Evrópuþingsins og ráðsins (ESB) nr. 1257/2013 um endurvinnslu skipa (Stjútö. ESB L 345, 20.12.2016, bls. 119).

⁽³⁾ Reglugerð Evrópuþingsins og ráðsins (EB) nr. 1013/2006 frá 14. júní 2006 um tilflutning úrgangs (Stjútö. ESB L 190, 12.7.2006, bls. 1).

- 2) Í stað 29. gr. kemur eftirfarandi:

„29. gr.

Breytingar á viðaukunum

Framkvæmdastjórninni er falið vald til að samþykkja framseldar gerðir í samræmi við 29. gr. a til að breyta viðaukunum til að laga þá að framförum á sviði tækni og vísinda. Slík aðlögun má ekki leiða til þess að öryggisstigið, sem viðmiðanirnar í I. viðauka veita, lækki eða að meginreglurnar um vöktun í II. viðauka veikist.“

- 3) Eftirfarandi grein er bætt við:

„29. gr. a

Beiting framsals

1. Framkvæmdastjórninni er falið vald til að samþykkja framseldar gerðir að uppfylltum þeim skilyrðum sem mælt er fyrir um í þessari grein.

2. Framkvæmdastjórninni skal falið vald til að samþykkja framseldu gerðirnar, sem um getur í 29. gr., til fimm ára frá 4. júlí 2018. Framkvæmdastjórnin skal taka saman skýrslu um valdaframsalið eigi síðar en níu mánuðum fyrir lok fimm ára tímabilsins. Skýrslan skal lögð fyrir Evrópuþingið og ráðið. Valdaframsalið skal framlengt með þegjandi samkomulagi um jafnlangan tíma nema Evrópuþingið eða ráðið andmæli þeirri framlengingu eigi síðar en þremur mánuðum fyrir lok hvers tímabils.

3. Evrópuþinginu eða ráðinu er hvenær sem er heimilt að afturkalla valdaframsalið sem um getur í 29. gr. Með ákvörðun um afturköllun skal binda enda á valdaframsalið sem um getur í þeirri ákvörðun. Ákvörðunin öðlast gildi daginn eftir birtingu hennar í *Stjórnartíðindum Evrópusambandsins* eða síðar, eftir því sem tilgreint er í henni. Hún skal ekki hafa áhrif á gildi neinna framseldra gerða sem þegar eru í gildi.

4. Áður en framseld gerð er samþykkt skal framkvæmdastjórnin hafa samráð við sérfræðinga sem hvert aðildarríki hefur tilnefnt í samræmi við meginreglurnar sem mælt er fyrir um í samstarfssamningnum milli stofnana um betri lagasetningu frá 13. apríl 2016 (*).

5. Um leið og framkvæmdastjórnin samþykkir framselda gerð skal hún samtímis tilkynna það Evrópuþinginu og ráðinu.

6. Framseld gerð, sem er samþykkt skv. 29. gr., skal því aðeins öðlast gildi að Evrópuþingið eða ráðið hafi ekki haft uppi nein andmæli innan tveggja mánaða frá tilkynningu um gerðina til Evrópuþingsins og ráðsins eða ef bæði Evrópuþingið og ráðið hafa upplýst framkvæmdastjórnina, áður en fresturinn er liðinn, um þá fyrirætlan sína að hreyfa ekki andmælum. Þessi frestur skal framlengdur um tvo mánuði að frumkvæði Evrópuþingsins eða ráðsins.

(*) Stjtið. ESB L 123, 12.5.2016, bls. 1.“

- 4) Í stað 30. gr. kemur eftirfarandi:

„30. gr.

Nefndarmeðferð

1. Framkvæmdastjórnin skal njóta aðstoðar nefndarinnar um loftslagsbreytingar sem komið var á fót með 26. gr. reglugerðar Evrópuþingsins og ráðsins (ESB) nr. 525/2013 (*). Sú nefnd skal vera nefnd í skilningi reglugerðar Evrópuþingsins og ráðsins (ESB) nr. 182/2011 (**).

2. Þegar vísað er til þessarar málsgreinar gilda ákvæði 5. gr. reglugerðar (ESB) nr. 182/2011.

(*) Reglugerð Evrópuþingsins og ráðsins (ESB) nr. 525/2013 frá 21. maí 2013 um fyrirkomulag við vöktun og skýrslugjöf að því er varðar losun gróðurhúsalofttegunda og skýrslugjöf að því er varðar aðrar upplýsingar á landsvísu og á vettvangi Sambandsins sem varða loftslagsbreytingar og um niðurfellingu á ákvörðun nr. 280/2004/EB (Stjtið. ESB L 165, 18.6.2013, bls. 13).

(**) Reglugerð Evrópuþingsins og ráðsins (ESB) nr. 182/2011 frá 16. febrúar 2011 um reglur og almennar meginreglur varðandi tilhögun eftirlits aðildarríkjanna með framkvæmdastjórninni þegar hún beitir framkvæmdarvaldi sínu (Stjtið. ESB L 55, 28.2.2011, bls. 13).“

2. gr.

Breytingar á tilskipun 86/278/EBE

Tilskipun 86/278/EBE er breytt sem hér segir:

1) Í stað 13. gr. kemur eftirfarandi:

„13. gr.

Framkvæmdastjórninni er falið vald til að samþykkja framseldar gerðir í samræmi við 15. gr. a til að breyta viðaukunum til að laga þá að framförum í tækni og vísindum.

Fyrsta málsgrein skal ekki gilda um mæliþætti og gildi sem eru skráð í viðaukum I A, I B og I C, alla þætti sem eru líklegir til að hafa áhrif á matið á þeim gildum og um mæliþættina til greiningar sem um getur í viðaukum II A og II B.“

2) Ákvæði 14. gr. falla brott.

3) Í stað 15. gr. kemur eftirfarandi:

„15. gr.

1. Framkvæmdastjórnin skal njóta aðstoðar nefndarinnar sem komið var á fót með 39. gr. tilskipunar Evrópuþingsins og ráðsins 2008/98/EB (*). Sú nefnd skal vera nefnd í skilningi reglugerðar Evrópuþingsins og ráðsins (ESB) nr. 182/2011 (**).

2. Þegar vísað er til þessarar málsgreinar gilda ákvæði 5. gr. reglugerðar (ESB) nr. 182/2011.

(*) Tilskipun Evrópuþingsins og ráðsins 2008/98/EB frá 19. nóvember 2008 um úrgang og um niðurfellingu tiltekinnna tilskipana (Stjtið. ESB L 312, 22.11.2008, bls. 3).

(**) Reglugerð Evrópuþingsins og ráðsins (ESB) nr. 182/2011 frá 16. febrúar 2011 um reglur og almennar meginreglur varðandi tilhögun eftirlits aðildarríkjanna með framkvæmdastjórninni þegar hún beitir framkvæmdarvaldi sínu (Stjtið. ESB L 55, 28.2.2011, bls. 13).“

4) Eftirfarandi grein er bætt við:

„15. gr. a

1. Framkvæmdastjórninni er falið vald til að samþykkja framseldar gerðir að uppfylltum þeim skilyrðum sem mælt er fyrir um í þessari grein.

2. Framkvæmdastjórninni skal falið vald til að samþykkja framseldu gerðirnar, sem um getur í 13. gr., í fimm ár frá 4. júlí 2018. Framkvæmdastjórnin skal taka saman skýrslu um valdaframsalið eigi síðar en níu mánuðum fyrir lok fimm ára tímabilsins. Skýrslan skal lögð fyrir Evrópuþingið og ráðið. Valdaframsalið skal framlengt með þegjandi samkomulagi um jafnlangan tíma nema Evrópuþingið eða ráðið andmæli þeirri framlengingu eigi síðar en þremur mánuðum fyrir lok hvers tímabils.

3. Evrópuþinginu eða ráðinu er hvenær sem er heimilt að afturkalla valdaframsalið sem um getur í 13. gr. Með ákvörðun um afturköllun skal binda enda á valdaframsalið sem um getur í þeirri ákvörðun. Ákvörðunin öðlast gildi daginn eftir birtingu hennar í *Stjórnartíðindum Evrópusambandsins* eða síðar, eftir því sem tilgreint er í henni. Hún skal ekki hafa áhrif á gildi neinna framseldra gerða sem þegar eru í gildi.

4. Áður en framseld gerð er samþykkt skal framkvæmdastjórnin hafa samráð við sérfræðinga sem hvert aðildarríki hefur tilnefnt í samræmi við meginreglurnar sem mælt er fyrir um í samstarfssamningnum milli stofnana um betri lagasetningu frá 13. apríl 2016 (*).

5. Um leið og framkvæmdastjórnin samþykkir framselda gerð skal hún samtímis tilkynna það Evrópuþinginu og ráðinu.

6. Framseld gerð, sem er samþykkt skv. 13. gr., skal því aðeins öðlast gildi að Evrópuþingið eða ráðið hafi ekki haft uppi nein andmæli innan tveggja mánaða frá tilkynningu um gerðina til Evrópuþingsins og ráðsins eða ef bæði Evrópuþingið og ráðið hafa upplýst framkvæmdastjórnina, áður en fresturinn er liðinn, um þá fyrirætlan sína að hreyfa ekki andmælum. Þessi frestur skal framlengdur um tvo mánuði að frumkvæði Evrópuþingsins eða ráðsins.

(*) Stjtið. ESB L 123, 12.5.2016, bls. 1.“

5) Í stað fyrstu málsgreinar 17. gr. kemur eftirfarandi:

„Aðildarríkin skulu á þriggja ára fresti senda framkvæmdastjórninni upplýsingar um framkvæmd þessarar tilskipunar í formi sviðsskýrslu sem skal einnig fjalla um aðrar viðeigandi tilskipanir Bandalagsins. Sviðsskýrslurnar skal semja á grundvelli spurningalista eða eyðublaðs sem framkvæmdastjórnin samþykkir í formi framkvæmdargerðar. Þessi framkvæmdargerð skal samþykkt í samræmi við rannsóknarmálsmeðferðina sem um getur í 2. mgr. 15. gr. Senda skal aðildarríkjunum spurningalistann eða eyðublaðið sex mánuðum fyrir upphaf tímabilsins sem skýrslan fjallar um. Senda skal framkvæmdastjórninni skýrsluna innan níu mánaða frá lokum þriggja ára tímabilsins sem hún fjallar um.“

3. gr.

Breyting á tilskipun 87/217/EBE

Í 13. gr. tilskipunar 87/217/EBE fellur 1. mgr. brott.

4. gr.

Breyting á reglugerð (ESB) nr. 1257/2013

Í stað 2. mgr. 21. gr. reglugerðar (ESB) nr. 1257/2013 kemur eftirfarandi:

„2. Hver skýrsla skal ná yfir þrjú ár og skal send framkvæmdastjórninni með rafrænum hætti og eigi síðar en níu mánuðum eftir lok þriggja ára tímabilsins sem hún fjallar um.

Fyrsta rafræna skýrslan skal fjalla um þriggja ára tímabilið frá þeim degi þegar þessi reglugerð kemur til framkvæmda, í samræmi við 1. mgr. 32. gr. Ef aðildarríki heimilar endurvinnslu skipa í skipaendurvinnslustöðvum sem eru í Evrópuskránni áður en þessi reglugerð kemur til framkvæmda í samræmi við 26. gr. skal fyrsta rafræna skýrsla þess aðildarríkis einnig fjalla um tímabilið frá þeim degi sem slík heimild var veitt fram til dagsins þegar þessi reglugerð kemur til framkvæmda.

Framkvæmdastjórnin skal gefa út skýrslu um beitingu þessarar tilskipunar eigi síðar en níu mánuðum frá því að skýrslur aðildarríkjanna hafa borist henni.“

5. gr.

Breytingar á tilskipun 94/63/EB

Tilskipun 94/63/EB er breytt sem hér segir:

1) Í stað annarrar undirgreinar 4. mgr. 4. gr. kemur eftirfarandi:

„Aðildarríkin skulu upplýsa framkvæmdastjórnina um birgðastöðvar sem slík undanþága snertir.“

2) Í stað annarrar undirgreinar 4. mgr. 6. gr. kemur eftirfarandi:

„Aðildarríki skulu veita framkvæmdastjórninni nánari upplýsingar um þau svæði þar sem þau hyggjast veita slíka undanþágu og eftir það um allar breytingar með tilliti til þessara svæða.“

3) Í stað 9. gr. kemur eftirfarandi:

„9. gr.

Eftirlit og skýrslugjöf

Framkvæmdastjórnin er hvött til að láta tillögur um breytingu á þessari tilskipun fylgja skýrslunum sínum þar sem það á við, þar með einkum talin útvíkkun á gildissviði tilskipunarinnar þannig að það nái til gufustýringar- og gufuendurnýtingarkerfa fyrir lestunarbúnað og skip.“

6. gr.

Niðurfelling á tilskipun 91/692/EBE

Tilskipun 91/692/EBE er felld úr gildi.

7. gr.

Gildistaka

Ákvörðun þessi öðlast gildi á tuttugasta degi eftir að hún birtist í *Stjórnartíðindum Evrópusambandsins*.

Gjört í Strassborg 30. maí 2018.

Fyrir hönd Evrópuþingsins,

A. TAJANI

forseti.

Fyrir hönd ráðsins,

L. PAVLOVA

forseti.
